

鍾宮集

書譜

天



陶齋先生文集目錄

卷之一

詩

讀書

大山李先生挽

歷候后山李先生適值駕出未拜而歸

挽宗兄以餘公鼎沃

龜城途中

過浣溪書院

某里敬次桐溪先生韻

按勝臺

建除吟

伏次錦淵警誨詩

風樹吟

川溪金先生挽

梅鶴亭敬次板上退溪先生韻

奉別徐明府有會

下第

挽遷庵族兄鼎五

寄設纘兒



挽校洞宗丈昌教

奉寄李仲帥志發索和

憶弟

麗史刊役告畢奉呈洪上舍啓道錫疇

俛庵李先生挽

清涼山次遊山軸中韻

謹次退陶先生蓮臺寺韻

敬次先祖梧峯先生一字分韻

次羅溪書院講堂落成韻

次朴孟暉春禾香壇韻

聞西警猝起 王師出征次杜律韻

晦屏先生挽

挽容淵金公宗發

挽癡庵南公景羲

挽金上舍聖爲宗鐸

挽上舍再從兄俊虎

四月晉拜愚山丈席歸路作

過先祖館洞遺墟有感

伏次竹隱大父昌道哀竹韻

挽柳士賓宗睦

次農山翁李季淵匡德寄惠陶宮韻

挽李戚文宜煥

挽屏邨柳公泰春

挽崔上舍景至南復

癸未元朝偶吟

挽鄭上舍孟潤灝

立齋鄭先生挽

次趙鶴坡奎應星復畱贈韻

寄族姪命休

公州拱北樓次板上韻

清州次挹清堂韻贈中營權公惠億

夜與文朴諸族拈韻共賦

與宗人學能遊俗離山馬上口號

四月二十四日夜夢有魁梧老人贈詩一絕上

二句只記其韻下二句云安棹中流須著力

許君當日任風波覺後有感于中遂次以識

之

次武夷權歌

陶山九曲

公贊裁書致問童奴傳之水府詩以替謝笑次

卻寄

挽柳周翰崧祚

次梅岡社韻

遊周房山

歸抵安德聞漱石丈野淳約李慎可秉遠遊玉

溪慨然起懷謹次大山先生己丑遊山錄韻

挽柳寒坪燁如晦文

聞金臧振彥經運自魯淵移僑化嶺李際可秉

運金聞天聲鶴孫昌叔興祖皆用隱侯詩贈

別追步以呈

溪社寄萬里翁趙學仲友慙

挽茶廬李公宜輔

九日用杜韻送弟漢卿鼎年

次金宅明川進盆梅韻

金濟彥養楨書室次倭松韻

挽晚洲權公以復

眞城中坪逢柳公晦徽文暫話

登竹山島

滯雨新城書示松柏堂洪文若字正

病中偶吟

聞湖上諸老少作立春會用大山先生集中韻

謹次以呈

孤雲寺刊川沙集次漱翁韻

校后山集又次漱翁韻

挽權丈範夏

挽崔戚兄穉玉琇

挽金幼根原進

挽金仲振英鐸

錦亭回祿無餘不勝感懷而作

朝陽館次李侯鳳秀立春韻

讀梅月堂四遊錄有感而作

陶淵奉安日謹次仙遊亭板上藥峯先生韻

方壺亭敬次板上韻

金仲紹海進壽宴後次姜文世白韻

挽鄭理卿台攝

挽金宅華弼熙

湖上與李子木秉鐸李景寬珣徐景濂有洛柳

公晦琴繼聞詩述李忠立秉夏李質如秉殷

共宿西山謹次小山先生集中韻

挽洪叔文文虎



周甲日聊賦一律以寓感慕之懷

沙邨奉別白下翁黃上舍叔璜礪老

挽姜皓鄰世白

次芙蓉堂集刊後韻

次藏院刊所韻

河陰集刊後次權雙湖微韻

挽洪上舍炳如文豹

次遜庵李戚丈祥發回昏韻

挽金時有經進

挽朴重吉慶吉

挽朴上舍春培

挽南文正極

聞鄭應文凍訃

效演雅體

挽金翰如礪進

奉謝玉上舍德章禔主惠訪

金開汝良鍵晬宴書示座上諸友

挽李上舍季淵

次都以龜縣學種杏韻

卷之二

書

上晦屏先生

上晦屏先生

上后山李先生

上立齋鄭先生

上立齋鄭先生

與癡庵南文

與皓鄰姜丈

與漱石亭李戚丈

與遜庵李戚丈

與柳寒坪燁如

與李參判來卿泰淳

與柳江皋尋春

與鄭參奉明應必奎

答李子木

答南厓權文聖躋

答趙子希承洙

與黃上舍叔璜

與趙鶴坡奎應

與鄭姨兄有鵬

答崔上舍景至

與金上舍幼澂清進

與金上舍明五弼敬

與李上舍伯心觀祥

與李承旨而執鼎秉

與倪齋李際可

答權雙湖穉成

與柳玄瑞龜休

答龔窩金仲振

答白室金時有

陶高先生文集卷二  
與金箕叙弼成

與南鳴應鳳陽

與草臬金士陽良燧

與宗人南郭爾周冕朝市南成之冕周

與雲谷李又文羲發

與所庵李慎可

與農山李季淵

答所庵李季哲吳作

與鄭上舍東翰

陶高先生文集目錄終

陶窩先生文集卷之一

詩

讀書庚子

一讀音吐解再讀章句通十讀至百讀儘覺義無窮

大山李先生挽辛丑

寂寞陶山後先生又大成淵源傳世嫡義理主儒盟  
聖上頻虛竚巖亭幾講明後生迷昧恨窮巷抱遺經  
歷候后山李先生適值駕出未拜而歸甲辰

湖上先生門后翁道最尊摳衣誠已薄納拜意初敦水  
谷方傳駕山齋未奉言一候知有數回首下前村

挽宗兄以餘公鼎沃

宗曹世濟德全盛自昔日以弟未及見承聞父老說猗  
歎先處士允矣君子質超然末俗累克光前人烈痛哭  
己巳冬皇天降大割玉樹空摧折時年二十八公以其  
遺孤早歲能成立內奉慈母儀外就賢師學材氣素卓  
犖文章復平實夙抱四方志強趨科臼俗春風灞橋上  
匹馬幾虛牧行年四十餘漸思歸休樂借問樂如何近  
日因身疾功名望已斷靜養安且適家藏萬卷書佔俾  
宜秩秩同志者其誰團圓坐一室時從農圃出優游山  
野曲溪花與江鳥詠歸入庭闈老親安枕席稚子勤誦



讀晚境自有得此樂不可告期以百年久丁寧向我曰  
往歲秋氣冷宿崇乘時劇雖劇亦柰何刀圭摠無力奄  
奄歸化盡一之日初吉時復運還否陽道有間息腸摧  
倚門慟淚徹崩城哭哭聲咸訴哀是時山欲裂豈謂吾  
祖家荐罹凶禍酷問鬼鬼不語籲天天難必痛我恹恹  
者汨沒塵世域山斗已傾頽迷昧竟誰恤依依念誰昔  
欲言先嗚咽青山啓玄宅此夜幽明隔聊將數行誅庶  
慰九原魄三百六十字字悲情結呼乎已矣哉命也  
復奚詰

龜城途中

行遠必自邇十里而百里辛苦且莫休半途不可止

過浣溪書院

最憐吾東已卯賢虛庵去後又老泉  
逝刑蓋出忠臣憤舍命寧同匹婦  
偏從古孤墳何處是至今遺廟尚依  
然停驂欲問當時事明月空留照遠天

某里敬次桐溪先生韻

先生不幸際於斯忠義堂堂日月披  
堪笑當年和議輩敢言時事與推移

按勝臺

南人每說花林好第一名區按勝臺  
此地退翁留筆跡

何年麗使送愁懷  
榼稱藏酒石應醉巖  
鎖歸猿路自回  
卻恨塵容仙分少  
丹崖紅葉晚尋來

建除吟

建陽已發春除夕  
又元辰酌滿介黃髮  
時平頌紫宸  
定心看物理  
執德守家貧  
已破新基計  
只危舊學湮  
成  
功任受命  
收效勉行仁  
開卷對先聖  
閉門日益新

伏次錦淵警誨詩

低徊十載未回頭  
意欲遷喬轉入幽  
枉費聰明無用地  
空歸博洽不精流  
著書豈敢要人識  
爲學應須著己求  
何幸師門垂誨語  
從今佩服死而休

風樹吟

南山律律兮飄風發發山有樹兮驚搖風不止兮樹不  
靜慈鳥未哺兮啼嘒嘒我願風伯兮少待使樹靜兮相  
支倚悠悠昊天兮不我恤樹欲靜兮風不止風不止可  
柰何獨憐此樹無靜時春暉報無地瞻望空漣沔問風  
何日止問樹何日靜百年三萬六千日此恨無極兮此  
心不定風樹吟聲正悲寄語人間抱樹兒莫待飄風兮  
共扶持

川沙金先生挽

戊午

松老家聲積德成百年餘慶振簪纓早傳旨設蘇湖席

晚卜藏修谷口亭三達尊兼瞻斗嶽十箴工紹儼儀刑  
後生此日無窮恨向學誠微未執經

梅鶴亭敬次板上退溪先生韻

草屋高名百世前孤山亭子大江邊臨流頓覺塵心洗  
迎月渾忘俗累牽行客多情畱去馬梢工無事倚虛船  
寒天雨後尋仙躅梅鶴飄飛幾百年

奉別徐明府有曾

春上軒梅第一枝南來五馬又西之一年難復寇君借  
百里空畱杜母忠驛路日長隨惠旆離筵夜闌倒情卮  
洛城他日南山宅願誦潭州太守詞

下第

明庭獻大策山外見名歸每掬灞中淚空沾身上衣青  
雲違桂籍白首望萱闈窮達有時命莫歎題左扉

挽遷庵族兄鼎五

丹邱有癯仙五旬煙火食高揖華蓋君悵望金匕藥壺  
公贈天乳一盃銜靈液採採地黃草未老先髮白少也  
志不羈晚計何廓落備嘗人間苦安知天上樂有子如  
青童早歸香案側一叩南華盆幾年愁獨宿平生痘走  
翁往歲丹邱客自稱丹邱子買宅丹邱麓丹邱聊可居  
近日心稍適小糟滴真珠大吟揮彩牘村秀非凡骨黃

庭共看讀塵緣漸擺脫坐對八公岳我昔往從之欣然  
兩手握出示丹邱歌詞彩爛輝赫遲翁先賜和請我麈  
一曲此歌皆仙語語語不立俗待我飲水來沉吟猶未  
得南遊登太華瓊韻滿歸橐須臾奉袂別四月雲窈約  
那意素忌疾遽爾乘化儻是日辭丹邱何處駕玄鶴蕭  
條丹邱樹寂寞丹邱壑阿咸仰天慟白雲空漠漠飄飄  
頽塵寰萬事成陳迹知應隨謫仙詩酒論日夕可憐後  
死者窮途又痛哭斷盡緣十分獨立竿百尺不敢論齊  
物何暇辨回籍感和丹邱歌高揭蒿里竹願公側耳聽  
翛然下寥廓歌罷淚延佇秋氣散林陌



寄設纘兒丙寅

爾生吾有望爾死吾誰依死生之理爾既知吾又奚用  
無益悲爾年踰弱冠死後猶殤童時余之罪此恨曷窮  
爾歸見爾慈長侍吾親側漠漠泉臺下應有團會樂人  
間父子情嗚呼只今夕痛哭寄設語雲慘日色黑

挽校洞宗文昌教

先公於祖厚契誼至今架泮錄瞻遺墨挽詩記感辭屢  
承前日誨偏覺後生悲涕向賢咸語傳芳有白眉

奉寄李仲帥志發索和

雲樹滾滾谷鳥嚶相息不見倚前楹自慚旅榻謾開筵



每憶涼軒獨抱經  
疎雨過山歸夢濕  
微風入戶晚懷清  
請君一踐藍門約  
莫負良宵對月明

憶弟

鴻鴈共北徂紫荊  
花滿枝物亦有兄弟  
而我獨何念  
君情如割看雲涕  
漣而孤踽寄窮閭  
誰復問寒飢  
儻一周往事生萬悲  
傷心陟岡篇痛哭  
常棣詩花下血  
成碧空山聽子規

麗史刊役告畢奉呈洪上舍啓道錫疇

前朝煙月隔先天  
遺史當時記注筵  
鄭氏編修多龔謬  
木翁彙纂始堪傳  
世家附著元明紀  
列傳稱停遷固權

何幸今年刊校訖千秋星日更昭然

俛庵李先生挽

湖上師門伯叔程宗盟義理又先生微臣誠徹叫  
日 聖主恩深渡海行晚歲涪州仍得力末塗鄂縣誰  
題銘橋陵日暮恆星晦痛哭公私涕自傾

清涼山次遊山輟中韻

丈人特地立蓮塔盡童年松老千層石雲晴五月天攀  
躋知進學高舉若登仙感慨追前躅飄然上絕巔

謹次退陶先生蓮臺寺韻

衡岳接上界廬阜壯南勢考亭有紀行千載誦巨靈

東李夫子遺韻獨迢遶茲山頻命駕御風常振袂漠漠  
蓮臺臨悠悠洛川濟入洞戲題名大字石面揭當時陪  
杖屨約遊皆心契後生來何晚感慨尋前例浪吟步瓊  
什畫葫慚拙製

敬次先祖梧峯先生一字分韻

鯁生生南陲局束事佔畢沒然求壯觀五月投袂出聞  
道清涼勝嶠外稱第一祝融最雄峙硯滴隣卓筆仙鶴  
頰金塔鸞霄共鬱律蓮花擁香爐奇壯不可悉內外二  
丈人對立如恐失花山初發軔行裝馬一匹爽氣腳下  
健豪興眼前逸迢迢白雲庵殘寮僅容膝列巒環幟壯

層巖削玉栗遊人自上來瓊瑤滿琤帙箇中無巧拙何  
事敢褒黜飄飄御風臺古樹芳陰密幽窟傳洗墨靈泉  
訖疹疾蔓延林下果垂垂爛紅實拾之香入口仙味勝  
石室可愛丹如砂不須黑似榛安嫗飯鐵惇天童奉瑤  
蜜此說皆不經禪家恣幻術六祖誇奇誕三緣盡安率  
吾儒有名教眞膺安足詰危逕自曳踵折旋同蟻垤持  
敬當如此先哲訓可述遊山似讀書擎誦溪師律吾祖  
亦有錄感慨如昨日寄語後來者毋忽路蹉跎

次羅溪書院講堂落成韻

竹林遺制小溪濱講舍初成特地新先輩百年留杖屨

兒郎六頌會於紳從知此地興絃誦肯學他門念果因  
卻恨盛筵遠末至行尋徽躅擬明春李上舍大彥詩有報佛恩之語故項  
之聯及

次朴孟暉春永香壇韻

愛爾松柏姿風雪不變色於人比韓公凡卉皆籍湜傷  
井清液滋累土深根植他年應百尺生意君須識

聞西警猝起王師出征次杜律韻王中

雪都鴻業負如山狗鼠無端闖塞關羽檄宵傳安北路  
戎旗曉出海西間應知廟勝多紆策更怕軍情久狂  
間漆室波憂猶不寐金宮况復惱天顏

信都城主特高標萬丈長虹氣未銷命併賢翁尤卓卓  
家承名祖不寥寥孤忠貫日驚奔獒列郡隨風媿戴貂  
從此嶠南光色倍百年培養自先朝信都嘉山別號

晦屏先生挽五首壬申

湖上摳衣二十年潺湲錦水遠成淵瑤弦寂寞山頽後  
江舍藏修石立邊功貴夾持扁敬義理觀昭著詠魚鳶  
儒宗近日彫零盡南國靈光獨巋然

錦里春深畫掩門岸花無語水聲村窳居不改新心樂  
靜坐端宜舊學溫晚歲工夫崇敬錄斯文義理辨邪言  
衛公九耄猶箴傲十句牕銘抑戒存

運值吾家百六辰梧松古宅屬殘春世人但道文章好  
林下誰知事業真淚盡延陵封墓歲志違和靖誦經晨  
庭前幽草江郊路盡日無人問去津

小子登門志學初循循至誨竭無餘博蕪每戒看三史  
講究須先讀四書箴示元朝受作砭詩吟自警佩如琚  
從今父事終無地辜負平生教意於

三月淵亭獨侍時疑眸呼語語參差先微草草初成譜  
宗事遲遲未冠兒謂爾晚工空孟晉奈吾衰病漸支離  
茲言不料仍成設攀哭靈車淚自瀉

挽容淵金公宗發



四賢萃一室韶北是台州憲府名初重湖門學自優延  
平無著述和叔有潛修孺子亭前宅遺芬永世休

挽癡庵南公景羲

世人爭飾蠟夫子任天真家政成齊魯文章泝漢秦北  
關辭驛路南國失詞津寂寞藏修地山局鎖百春

挽金上舍聖為宗鐸壬申

太歲值涖灘嶠運滯儒林曾悼稚吉逝金正字虎運忽愕友

直音相溫典籍商洛悲次野巖老黃斯文東都哭伯心李祥合

媿我空永歎懷君久沉吟重遭山樑慟倍息雲樹深五  
載愁燕鴻百里阻商參未命子由駕終斷伯牙琴志行



人應述文華世共欽可惜上舍廬長掩下枝虬陰佳城  
啓新原梁月照遠岑此時違臨餞何處更論襟題誅效  
驢鳴寄與景至尋南復上舍

挽上舍再從兄俊虎壬申

我有淚如泉無時不霑纓往事那忍說今歲倍傷情家  
門漸陵替親戚盡彫零獨立惟少弟冤逝况吾兄早抱  
青雲志終對白首經平生勤共勉未死期或成八載卜  
峽隣一室近楸塋樂此韋家會俟以謝運亨痛哭更分  
散迢遰各憂惻喪威酷於發志業退似鉦衰草猶生意  
寒松庶益貞每祝百齡遐如何二豎嬰劇喘愁元範瘦

骨歎長卿秋抄月欲弦徒步我  
說前程遊稜霜華重旅燈夢  
吞聲所言應盈臆相設竟連  
鳴錦里山已頽龜堂厦又傾  
歲暮玄威急先原啓佳城堂  
容奄隔塵瓊韻尚在簾迷昧  
題誄語一字萬懷并

四月晉拜愚山丈席

夏日軒牕靜從容侍燕申溫  
卻曾中草襲來座上春歸裝

骨歎長卿秋抄月欲  
說前程遊稜霜華重  
吞聲所言應盈臆相  
鳴錦里山已頽龜堂  
歲暮玄威急先原啓  
容奄隔塵瓊韻尚在  
題誄語一字萬懷并

四月晉拜愚

夏日軒牕靜從容侍  
卻曾中草襲來座上

過先祖館洞遺墟有感

密城孝子里棹楔是先閭四百年前躅十三世後居埋  
碑原已沒息竹墓誰書倚馬斜陽立村人說故墟

伏次竹隱大父昌道哀竹韻

雪裏貞魂去不歸根蟠巖穴葉飄飛會待兒孫成列後  
幽軒風味不全非

挽柳士賓宗睦

謙翁故宅德垂昆九世之宗賴子尊志業自期經濟大  
風儀可見笑談溫如何落魄羅生恨重以摧腸孟老冤  
嗚咽萬松亭下水西游不復到家園

次農山翁李季淵巨德惠寄陶宮韻

築土馮馮不用楹  
幽民復穴政宜名  
籬前種菊先生趣  
嶺上看雲處士情  
代瓦以茅因俗儉  
呼泓爲友宮心清  
家貧未學朱公術  
歌詠唐堯度此生

余旣作此詩知舊皆肯和後爲漱石翁誦之翁曰善矣然先生處士字太露不穩著余始大悟殆欲下拜因改綴二聯曰編茅代瓦猶容膝托契呼泓每寫情雲起自怡東嶺白風來時臥北牕清未知更無大疵得免具眼之笑否

挽李戚文五煥

金鶴山高秀氣扶衰然一代故家模詞章器幹猶餘事  
文識論猷是碩儒鄉裏皆言公倚重世間誰復我儀圖  
堪憐處士題旌面歲晏荒山下轆轤

挽屏村柳公泰春

天台洞裏宅真仙寶婺光臨太乙躔萬石君家皆白首  
參同契設有丹診衣冠不懈平日居鄉國咸尊大耋年  
鶴馭翩然乘化去琴書畱與子孫賢

挽崔上舍景至南復

東都自古稱冀北徐羅俊彩馳海埏沙梁故部最著姓  
晦老之鄉貞武賢貞武偉烈銘彝鼎赫赫休光後孫傳

一孫名登金門榜一孫手採玉井蓮蓮花十丈特地秀  
上舍芳聲自妙年男兒抱負宇宙大眼底滄溟水如天  
筆法迥勅學鍾王文體宏肆追政淵家中架插萬卷書  
四子六經班馬編明牕採得藝苑英錦囊收盡海國蟻  
南省獻策渡瀾還志士心違已華顛菟裘晚卜白蓮社  
九曲蒼屏粧雲煙間來事業付漁樵老去藏修臥林泉  
殘編料理送餘景靜裏眞工期自專人間清福鬼多猜  
德門喪威次第連前年春暮哭質庵是月冬浚悲棣軒  
平生湛樂孝友家至恨成崇痾未痊青囊試時技已殫  
白雲滾處夢忽纏金沙去路路不迷九月清秋風馭仙

仙緣更接讀黃庭世事渾忘守青氈天高月明露白夜  
何處詞魂共踟躕龍鍾自慙托晚契談笑逢場有夤緣  
槐園乍阻五載面龜舍初開一夜筵屏翁遺集木齋史  
心畫珍重題廿篇文者貫道一句語語意章皇敢自先  
高明肯與拙陋論兩度遞僂投惠牋時時披讀悅對晤  
懇懇良規宐佩弦高名以陶我亦云歲暮襟期霜菊妍  
山陰未訪子猷雪楚水空斷伯牙絃是時溪社驚鶯音  
落木寒天斜日懸旅館竟違寢門哭雲樹空望江可憐  
南州知己一代盡地下修文千古絲斯人已矣不重見  
慕徒孤懷向誰宣琴書故宅恨不載粉旌曉指西山巔



頽頽頽人戢一木漠漠佳城闕九埭家聲克紹有白眉  
文行將述音幽阡韶西故人情最深和淚題誄獨泫然

癸未元朝偶吟

仲尼六十順伯玉六十化我今年六十平生未寡過行  
已多踈拙接人逢笑罵早歲學經史晚契違圃稼志業  
竟摧頽顏頹漸衰謝何以收菜榆醉夢良可怕願言知  
昨非庶幾識操舍歲月不我與暮道空饑迂團辭祝東  
皇賣癡酬宿債從今變氣質反求如正射工夫要直上  
自處毋庸下悔咎亦已晏此言誰非假

挽鄭上舍孟潤瀨



泗水流聲遠華聞自弱年令儀從典雅精工懋鑽研夙  
抱金門策先擢玉井蓮朋盡東南美文登上下弦志士  
終落拓歲晏空迍邐何須悲東野聊與樂惠連江曲成  
間趣山隈闢幽軒圖書揭座右梅菊繞牕前尋興娛詩  
酒開卷泝聖賢杳矣青雲阻居然白髮宣吾儕例多件  
此意向誰傳媿我鹵莽者托契在末筵春風洛城路斜  
日漢津船論文復吐臆聯袂幸停鞭十載催日月百里  
間山川夢裏勞偏憶病時倍相憐每擬方掃榻卻恨未  
投牋海內知已少年來太半仙便武近全闊節宣慮或  
嘗賢從忽求誅承聞涕自漣敢將構拙語那得慰重泉

回首念久要漠漠隔雲淵何處滕公槨終古馬御阡我  
亦六旬老宿痾苦未痊相別更無幾重逢想有緣揮毫  
寫虞殯溪柳愴含煙

立齋鄭先生挽

舉世宗文莊先生又大方青氈谷口宅白首康成鄉  
聖眷延林望儒盟仰斗章瑤琴弦已絕餘韻誰更張  
晚生欽德儀三日侍軒垂珍重初承教含糊更質疑執  
經未遂願移箒奄懷悲南國斯文慟秋風掩講帷

次趙鶴坡奎應星復留贈韻

天地秋光暮東南一錦亭感君留景仰慚我隊儀刑此

世頭空白何時眼共青  
夢中不識面無路過軒屏

寄族姪命休韻

爲學工夫貴日新  
元初天性靜而真  
讀書要作修身士  
玩物寧從棄世人  
薪火救非容勺水  
泰山高自起微塵  
基川况是桐鄉地  
須繼先休倍著神

公州拱北樓次板上韻

粉堞崔巍錦水頭  
湖西形勝在熊州  
雄藩聞說千年邑  
豪興初登百尺樓  
祗切微忱瞻北極  
聊將往事付東流  
馮欄浪吟西翁句  
卻憶當年壁下游

清州次挹清堂韻贈中營權令公息億

雄閩西州水北頭視戎堂外有高樓嶺湖地勝方千里  
文武才兼第一流雲淡煙微生遠岫花明柳嫩暎芳洲  
將軍無事重門闢笳鼓春城盡日遊

夜與文朴諸族拈韻共賦

一樹花前十世親罇筵談笑惜良辰莫教燈下牽昏睡  
纔過今宵遠別人

與宗人學能遊俗離山馬上口號

萬丈仙山間二南水晶峯下大伽藍銅華直聳連層五  
輦路前開閱世三春晚獅庵紅欲雨天低龜石翠生嵐  
問君雲壯臺何處一半名區未盡撥

四月二十四日夜夢有魁梧老人贈詩一絕上  
二句只記其韻下二句云安棹中流須著力許  
君當日任風波覺後有感于中遂次以識之

春江風浪夜來多獨間舫齋歎奈何此日中流無副手  
渡頭常怕逐奔波

次武夷櫂歌十首

山不自靈人以靈武夷天下擅幽清清朝三復櫂歌曲  
恍聽當年款乃聲

一曲新村始買船春波渼渼綠浮川武見行視檀將遠泝  
真源去方覺名區隔世煙

二曲佳姝化作峯插花何事巧修容佳期虛負黃昏月  
悵望天門掩九重

三曲樽篙上水船蓬萊清淺已千年金丹歲晚無消息

二句并  
朱詩閒訂參同只自憐

四曲藏書大小巖風煙迷處草氤氳金雞強解尋山趣

催送晨聲落日潭唐  
人  
謝意

五曲雲山最窈濶居然松桂已成林蒼崖碧澗無今古

誰識名堂仁智心

六曲茅茨俯玉灣柴門無事晝常關道人一去今何處

花鳥空餘萬古閒

七曲乘帆過逆灘前功須向此中看秋風悵悵懷幽伴  
昨別西山送畫寒

八曲樓巖兩岸開煙花影裏沂還洄星村風洞巖并武夷最絕處  
前程近寄語遊人莫下來

九曲菜麻正鬱然小桃源下一平川箇中自有奇觀處  
怕認他山作別天

### 陶山九曲

淑氣扶輿鍾地靈陶山境似武夷清海東夫子畱微躅  
爲唱權歌續舊聲

一曲雲巖卓似船六君子里是烏川丹楓落日吟歸後



林影深藏古寺煙先生雲巖寺詩落日丹楓雲巖寺曲

二曲溪邊立立峯蘇川清月想儀容一間茅舍雲深處

就質朱書說幾重題煙川幽居詩一間茅舍好月川曲

三曲鰲潭倚小船經營儒館憶當年後人未覩羣賢會

一粟吾生最可憐易東書院詩儒館經營洛水邊幸同

憐賢聖未同辰

鰲潭曲

四曲江聲帶巨巖巖居仙伯羽衣麤漁歌響罷虛堂暮

明月雲留照碧潭愛日堂詩巖帶江聲自作龔巖居仙伯本真聰汾川曲

五曲紺寒潭水深天淵臺上好雲林無人莫效漁翁笑

孺子歌中已會心濯纓潭詩漁父當年笑濯纓潭曲



六曲川流轉作灣白沙平鋪遶林園斜陽回首望霞塢

何處幽人復自間

川沙曲詩西望紫霞塢中有幽人家

川沙曲

七曲龍淵響石灘綠波青壁畫中看仙公多事慳天戒

藏得丹砂萬斛寒

丹砂曲詩青壁欲生雲絳水如入畫安知萬斛砂中藏天祕戒

丹砂曲

八曲扣舷眼漸開孤山亭下久沿洄雲山無主門常掩

祇見耕夫揮手來

孤山石壁詩耕夫揮手語不聞悵望雲山獨坐久

孤山曲

九曲臨風更喟然蓮臺絕境隔流川源頭自有難言妙

努力同來向洞天

清涼山詩安得此同來努力造絕境

清涼曲

公贊裁書致問童奴傳之水府詩以替謝笑次

卻寄

隔水亭臺間瀛瀛雨中相望費虛誠魚龍亦解人間字  
故奪珍緘若有情

挽柳周翰

崧祚

謙厓遺範好家庭弱冠風儀已老成  
貌似古人憐坦率詩無俗語見崢嶸  
仙區不附青雲士秋夜長辭白首兄  
強把菡花愁對酒龜陽獨立有同庚

次梅岡社韻

宗門縟禮象三賢襟佩彬彬共告虔  
孝友廉清觀世德淵源學問仰師聯  
義同台縣崇先地時協陶山奉版年

珍重雲翁詩以志媿將俚語續新編

遊周房山

青溪形勝擅東南步步奇巖曲曲潭這處不容成一語也須軒老錄中揆

歸抵安德聞漱石丈野淳約李慎可秉遠遊玉溪慨然起懷謹次大山先生己丑遊錄韻

鯁生氣量小於區勝會仙山向一隅明月瑤琴誰獨抱穿雲蠟屐未先圖行程剩借丈人記詩伴應隨太守呼此地大賢遺躅在可能追軌拓榛蕪

挽柳寒坪燁如晦文

縕袍猶於佩玉華湖門秀望自大家辭論座上儒林重  
文學科中德行加師夏最賢傳庶幾節齋先逝慟如何  
春濠江院波聲少吾黨無人解象譚

聞金戚振彥

經運

自魯淵移僑化嶺李際可秉

運金聞天

聲鶴

孫昌叔興祖皆用隱侯詩韻贈

別追步以呈

綺黃在商洛一出猶有期之子胡濩入獨違 聖明時  
到老身愈旺居窮志自持韶州亦鄉土明月幸相思

溪社寄萬里翁趙學仲友慙

我自百里來爲訪萬里翁翁出百里外高御萬里風萬

皇風斯下大椽窮海東東海萬里關中有萬丈龍龍伯  
見翁至矯髻語鴻濛世遠如萬里翁心何太雄一萬八  
百歲邈矣羲與農三十六宮春樓閣在空中日月萬里  
旋星辰萬里同皇王帝霸業宇宙誰與崇莫如卷而歸  
閒臥半畝宮萬里縮一步蟄屈如蠖虫翁始笑聞之曰  
首賦崆峒是時春歸盡山徑數里通蝸廬僅方丈依舊  
七尺躬

挽茶廬李公宜輔

玉溫儀采坐端如趨拜龐牀弱冠初林下不容塵俗氣  
靜中恆對晦翁書鄉尊齒德行無缺家教兒孫慶有餘

近日南州儒運闕後生悲劇餞靈車

九日用杜韻送族弟漢卿鼎年

殘年愁緒爲君寬歲晏溪堂盡日歡菊塢初開新物色  
梓鄉共對舊衣冠登高此日罇顏倒分枝明朝葉語寒  
獨樹移花應結實牛山何必淚相看

次金宅明川進盆梅韻

孤芳迴立得天眞爲愛新橙報早春處士家中傳淑配  
仙人畫裏托前身凌寒枝帶羅山色貪睡花遲漢水濱  
繞樹千迴仍欲賦在無言處倍精神末句借朱詩

金濟彥養禎書室次倭松韻

昂藏未作棟樑材弱幹盤桓幾歲栽縱然自有千雲志  
不受樵兒翦伐災

挽晚洲權公以復

藁翁家學接湖門大遯山深丈席尊靜坐延平看未發  
存心和靖泝真源行如處子都無累樂在昌辰永不讓  
從此山南儒匠少後生何地更承言

真城中坪逢柳公晦微文暫話

大嶺壞儒門賢聲子最尊相逢知不偶夢裏託兒孫

登竹山島

天下難爲水東南失一隈三光升晦處百瀆朝宗來浩



浩迷坤軸殷殷起震雷何時乘一葉萬里御風回

滯雨新城書示松柏堂洪文若字正

平川雨集夜成江草沒長堤水沒缸野外天低恆若漏  
村前路滑少聞楚情朋漠漠迷雲樹獨客泔泔臥旅牕  
悵望幽居千里阻何時旣觀我心降

病中偶吟

世愛黃金我愛書架藏珍軸滿籥如愁時悵讀曾消火  
靜裏潛着眼過梳可惜老年迷一得生憎村秀懶三餘  
秋來臥病推塵案分付阿向任卷舒

聞湖上諸老少作立春會用大山先生集中韻



謹次以呈 辛巳

雪裏凝冰病裏身  
盤中細菜忽傳新  
良辰卻恨吾生晚  
未襲湖師座上春

循環一理互消長  
風雨開時瑞日光  
斯道祇今應不絕  
喜看羲畫已三陽

雷復門開呷地天  
春前一日是新年  
大賢至訓宜銘誦  
後學庸成意未全

孤雲寺刊川沙集次漱翁韻

何年與國會講義  
儘精當此地刊遺集  
林風播遠香

校后山集又次漱翁韻

繡梓塵仍埽編摩摠體當山高花萬樹應是一般香

挽權文範夏

松巖遺裔逋翁家旅土移栽獨樹花疎雅風儀塵不累  
清寒活計玉如姱七旬間養宜遐壽半載沉綿奄古榼  
秋暮江皋神馭啓家聲分付二孫哥

挽崔戚兄穉玉琇

文雅風儀比玉英東都士望屬朝評家聲貞武公爲祖  
篤友質庵弟是兄莫道羅生空抱恨爭如鄭老永傳名  
龍山一部朱書義畱與諸郎襲舊馨

挽金幼根原進

執友彫零盡吾鄉又失兄剛明因性賦雅飭自家庭倏  
忽重泉路寂寥孺子亭存亾從此別今日若爲情

挽金仲振英鐸

花山隣故陌雞夢崇杯蛇室復悲云矣旅魂恨若何後  
彫甄素節野逸泝餘波累世居猶客妙齡志已遐衿期  
開爽豁詞藝厭浮華不喜風前草無心雨後花豪情惟  
子語先契最吾家顏色童年熟神交近日多抒懷如附  
漆持議未操戈每擬遊觀壯相期歲月賒異哉三夜夢  
邈矣六峯過揆勝兆爲告昇虛事則那分明登絕頂遼  
忽響仙阿神氣隨雲馭塵骸返柳車六旬猶缺隙萬事

摠傳訛祖贈 恩堪祝孫奇  
念益嗟軒軒笑語永瑟瑟  
鬢毛皤枕寐時相接儀容尚不差  
此行仍寂寞何處共  
婆娑題誄追先韻傷心望弱河

錦亭回祿無餘不勝感懷而作

江上歸然四十年鬱攸何事絳爍天  
先師遺躅成灰燼  
雪裏遙看涕自漣

朝陽館次李侯鳳秀立春韻

山南梧樹幾成林東閣迎春惠化深  
祥旭初昇回暖氣  
地雷先動破重陰宮開六六先天畫  
弦奏三三大簇琴  
開牖欲觀生物意羣黎咸仰使君心

讀梅月堂四遊錄有感而作

顯陵松接 魯陵雲  
忍說當年未敢言  
街路有心時入  
溷海山無處不傾  
罇東峯月含忠臣恨  
北向花招望帝  
魂遊跡林泉於義可  
毀形何事託空門

陶淵奉安日謹次仙遊亭板上藥峯先生韻

瓢翁卓節尚微幽  
公議斯文幸有秋  
天地始明尊攘義  
山川能解士林愁  
雄奇瀑布潭前石  
窈糾遺墟碑下丘  
敬拜新祠多景仰  
今行非鳥等閒遊

方壺亭敬次板上韻

花殿殘春柳拂風  
佳辰來訪勝區中  
登臨頓覺襟懷爽

結構元從造化工蒼壁千尋開活畫清溪一曲繞長虹

檐間先韻偏多感小孫今亦六十翁先祖梧峯先生辛酉仲春登亭詠詩

時年六十歲小孫今年亦六十故未句及之○末句籀用變體覽者恕焉古詩有祖老孫亦翁之語此翁字或

不涉於未安耶

### 金仲紹海進壽筵後次姜文世白韻

寶婺星光耀天開昭陽花甲撫時回孝因追慕應多感  
福自來求不用媒子調况值芳筵偕友瑟何妨潑雨送  
庭梅老仙遙祝蟠桃子為誦瓊章賀壽盃

### 挽鄭理卿台攝

窈窕橫溪曲巋然玉砌亭至今一邦士咸仰兩先生四

葉承遺馥雙枝秀紫荆伯氏先違世賢季獨典刑器宇  
因弘重論議貴崢嶸宗鄙疑必問家庭教自成經理揚  
先蹟幾年殫至誠梓板已登繡楸塋未豎銘每恨忌西  
疾爭祝耀南星六旬猶寧健三載竟沈嬰非徒年力暮  
只緣喪威驚晚契跡不淺歲晏心相傾邇陽路百里溪  
社月三更驢僕年年至鴈信時時鳴昨歲夏序初良會  
商翁并慰君鼎鑪苦輸我別離情尺書多阻滯寸心勞  
怔營蘭報有月日蕙淚空縱橫傳芳睂最白翼謨旣守  
青是時屬深秋何山起佳城病臥違素誼題誄附丹旌  
遙憐桃潭水嗚咽不盡聲



陶庵集卷一  
三五  
挽金宅華 丙熙

嶠南儒運否吾黨半無存恨我多違晤嗟君獨抱冤淵  
源湖上正世德竊窩尊遺集未登繡何時慰九原

湖上與李子木兼鐸李景寬均徐景濂有洛柳

公晦徽文琴繼聞詩述李忠立秉夏李質如秉

殷共宿西山謹次小山先生集中韻

牧翁遺像在欽慕自平生肅肅如臨廟洋洋寓見羹驪  
江終不語殷苗共畱名祇拜時慷慨林間又聽鶯

挽洪叔文文虎

先契兼交誼遊從五十年蘭室常薰馥禪房共點鉛篤



志誠由已浮

周甲

妣夢懷星彩

日當悲痛何

沙村

有美商山老

晏芝誰採陽

挽皓

東岡間臥伴

不金馬署

同

志誠由已浮

周甲

妣夢懷星彩

日當悲痛何

沙村

有美商山老

晏芝誰採陽

挽皓

東岡間臥伴

不金馬署

同

神馭翛然乘化去鳳凰臺下水滔滔

次芙蓉堂集刊後韻

開花十丈擢亭亭君子堂前滿地馨先契聯翩詩共和  
後生欽誦寐如醒一家清白傳楊業百世曾玄列謝庭  
聞說遺文登繡畢梓華畱與簡編青

次臧院刊所韻

四賢崇奉地續鏝有遺文編帙從多少經營積寸分敏  
趨工不月齊會士如雲此事承先志後人益念勤

河陰集刊後次權雙湖微韻

手畢珍藏問幾篇煥然棗刻在今年五仙微闕聯青鶴

十觴真源派玉淵恨未曾經先輩校幸茲畱與後人傳  
編摩賴子成終始文字分明百載前

挽洪上舍炳如文豹

弱齡心共許先誼契中深風裁芳蘭秀規模古梓陰花  
開登十丈潮漲愛三斟愚谷今無主佳辰誰爲尋

次遜庵李獻文祥發回昏韻

積德之家福自天重牢一宴世稀傳三元氣暢膺新慶  
八載年高續舊緣花燭復開光燠爛仙禽相對影蹁翩  
催教諸婦連斟酒昔日何如是日然

嫦娥月殿鵲橋河此會人間較孰多堪作畫圖傳盛事

不徒瓊韻代工歌

挽金時有經進

家學淵源正承聞自妙年警心題室白好古守經玄世  
但稱閔博我常愛簡淵平生不盡恨巾衍有餘編

挽朴重吉慶詰

少年交遊日倏忽阻前期世傳龜山古家蔭杏亭垂高  
義追元振湛樂姁周詩此實人鮮能胡不福攸空奄驚  
玄夫夢空催白髮悲五旬非仁壽八載有偏慈至痛留  
庭棣佳城掩洞黎一曲虞殯語悽悽歲晏時

挽朴上舍春培

鄉黨邇來運氣收公惟宿德優長休平居日每衣冠整  
大載年愈孝友修不問知有先生教至今稱少丈人儔  
題旌上舍猶何憾餘慶方看後嗣留

挽聶聶齋南丈正極

伊溪亭畔棣花新第一枝長八十春白髮坐臨鄉黨敬  
青氈業守室家溱世間悲憾經過盡往蹟消詳向說頻  
仙駕飄然乘大化竟教神劍會延津

聞鄭應文涑計

七十不墜青雲志渡灞行裝二八程夢裏黃槐何處是  
可憐題了學士旌

效漢雅體

日午山家靜燕簷雞在籬暖沙眠白鷺  
深樹轉黃鸝世念殘蟬翼衰容老鶴肌  
蟲聲驚早晚秋氣爾先知

挽金翰如 磻進

青青兔山草發發龜川魚鬱鬱庭前樹  
秩秩案上書憾憾懷不見潛潛涕盈裾  
憶昔結交日俱在童中初愛君能談笑  
媿我多空疎逢時說古今別後惜居諸  
聞道西神惡病臥窮村廬欲診身有拘  
祈瘳慮不除樑月纔入夢蘭報遽若虛  
生平事未畢歿後恨益茹兒生名未咳  
婦化節可閭同穴神理穩并喪子心疽  
光陰減葉壽志

業催檀車可憐秀才旌去過仙巖墟  
齊們又失子窮途  
獨立余何山封鬣馬此日違鳴驢  
悲懷向誰論握手有  
善餘

奉謝玉上舍德音稗圭惠訪

竹下小齋靜佳朋匹馬來有懷傾一斗  
無酒勸三五詩  
律嫌窮者禮疑恐汰哉雨晴郊色好  
臨別久徘徊

金開汝良鍵晬宴書示座上諸友

花著瑤桃六十春懸弧故宅壽筵陳  
浮生半世先回甲  
前夕重陽又令辰舞彩賢郎祈不老  
稱觥親友賀無巡  
知君倍切劬勞感孤露吾生爲愴神

陶翁先生文集卷之一  
挽李上舍季淵

童年心契弟兄如白首披襟漸不疎  
早逐詞場隣筆硯  
晚酬詩律拾瓊瑤相逢每吐深情語  
此世誰尋遠鶴居  
寂寞禪牕明月夜傷心一幅夢中書

次都以龜縣學種杏韻

聖學寧將故紙鑽栽來文杏表莊壇  
芳陰宛帶昌平柏  
幽馥相孚夾谷蘭風裏希音聞瑟歌  
月前疎影照秋寒  
迺知此老勤培意匪爲尋常樹木看

陶翁先生文集卷之一



陶窩先生文集卷之二

書

上晦屏先生 壬寅

秋日尚熱伏惟體候萬重鼎周侍事倏昔伏幸第撓泪  
多端未能專意讀書恐負教育之至意悚歎八月初始  
讀魯論一日限三十行讀過百遍夜間連前所讀或一  
卷或半卷誦了其中疑處甚多末由逐日奉質尤切伏  
恨數日間一進伏計耳腔子外是甚一節頃承明教錄  
在小冊而語多模糊當更稟也

上晦屏先生 壬戌

前月中暮過亭下未及候謁而歸迨伏切悚恨伏惟花  
煦靜攝體度衛道萬重鼎周平生罪逆重被天罰克襄  
之日風雪饕虐僅得掩土痛迫之私尤無以自抑從大  
父祥期奄迫有多少儀節可疑而未由抽進敢此仰稟  
恭俟指教

問目

從大父祥事在今三月十日而季父服喪在十二月  
故練祥則將以十二月服喪日行之三月祀事時祝  
文何以措辭也伏未知只告事由而不用祝文耶  
答小祥因爲退行而初暮祀事則似不必用祝只告事

由似宜

襄事時未及造主故今將追造伏未知祀事前一日以追造之意別告事由而題主祝則改既成爲始成去形歸以下八字耶抑無告由而措語於題主祝耶題主奠因夕上食行之恐無妨未知如何

答題主告辭依所示刪節本告辭而略提事由以告似宜題主是大節當別設一奠而百事不得不從勢爲之因夕上食行之亦無妨耳

季父喪制雖始於十二月而從大母練變之制與從姑替服似不可退待從大母及從姑則依禮行之而

陸菴集卷二  
季父季母及從弟皆待十二月耶

答改服一節先滿者先除後滿者後除凡服皆然而今此所處又與尋常自別鳴臬令公嘗以此質於橫溪而其說明白載在本集中似無可疑母子甥妹先後差池改服似有不得不然

明年三月喪期雖盡而孝子服制未滿月數行祀後奉主於龕室止朝夕上食而朔望殷奠出主行之以至終制耶或以爲服既不除則殯室不可撤上食不可廢伏未知如何

答旣葬在哭後卽爲祔廟無朝夕上食只行朔望殷奠

周公經禮固然則三年內朝夕上食乃是後人義起之禮晉唐宋以下無不遵行今此所處三年上食已是無憾又引而至於孝子追服之期則無乃太過耶只行朔望殷奠似不悖於古之經禮而有不敢臆斷質言鳴皋令公亦未嘗說及此可恨惟在與識者夏議量處耳先妣祔祀將行於小祥時從兄當主祭而衰服在身衰服行事竊恐未安姪意則宗子使長子代之似無妨慎齋曰宗子居父母喪當期大功祔祭服其所祔之服今以小功已無所祔之服則似不當以衰服行事不能無疑敢此仰稟

答宗子以喪人旁親祔祀使子代行是似便好而第念禮必通行無礙然後可以爲法宗子以喪人若或無子或父子俱是喪人則柰何莫如宗子以浚衣平涼子躬親爲之祔祀與他自別使子代行亦恐未安宗子自行不必爲疑

姪家叔姪兄弟皆在服中兒曹俱未冠俗節及忌日無行祀之人欲製直領自行之伏未知如何

答俗節製直領行祀固好朱夫子在祝夫人喪中嘗別製服行廟祀此固可倣然俗節茶禮與忌祭時祭較別或使婦人童幼行之恐亦無妨

小宗以未葬前寒食不行茶禮姪家私廟獨行極爲未安兩家家廟密邇如一室何以爲之

答小宗未葬前支家不敢獨行節祀吾家家禮已然况密邇若一室耶

上后山李先生

前月趨拜實出於十數年慕仰之私而行事卒遽一宿經還自顧向德無誠承誨不終辭歸後瞻望門牆徒切自棄之歎也近伏聞道體大段警和伏未審其間已至復常而山齋靜几玩樂崇深否鼎周合下資質庸凡志尚低卑家庭所學只是通史經書而素無搜索之工可

以窺得其一二成童後始受讀于錦淵門下學庸語孟  
隨序讀一過雖與前日所見似別而至於一分實見得  
則未也重以時文功令斷喪坯樸半生理沒迄無所成  
本末輕重之分全然倒置而心身內外之間未免顛沛  
如此而寧有進益成就之望耶湖上丈席在世時旣未  
遂執經趨隅之願而山樑奄頽依仰無地每欲一進觀  
感於傳道之門永受鞭策填補旣往而屢經喪威重以  
疾病尚未克沒意孟晉供灑掃之命私心訟恨容有旣  
哉頃者承誨謂當孰讀語孟敢不服膺終身只緣立志  
下堅固向學不篤實一番看了不過爲備例遮眼之資



悚歎悚歎以親濟末由離側暫出茲敢裁書付上爲他  
日請教之地伏乞鑑察而恕納焉

上立齋鄭先生

獻歲發春伏惟大哉康寧衛道益福鼎周才地鈍根志  
尚鄙夷雖略讀古聖賢書而無一竅之見重被功令家  
引去冥適半生已作無聞之人前夏奄遭錦淵喪事依  
仰無地抱卷彷徨有疑莫質自此難免小人之歸撫躬  
惕然只切悼歎方今山南長德次第零謝法明壞敗斯  
文日孤而儒宗之望惟在軒屏末學膚識竊欲一進門  
下獲被鑪鞫之餘教而容威疾病中振拔無日茲不勝

嚮慕之私敢因僂替達倘蒙不棄俯賜警誨則謹當服膺拱守以爲異日請教之地耳從先祖事蹟泯沒無傳廡有拾錄一冊疎略不備欲得大君子一言之重族兄齋卷委進特垂蒲桓之惠永作傳家之寶千萬伏望

上立齋鄭先生

前夏拜候時伏蒙大君子包容之德許以酬對申之勉誨虛往實歸佩服至今也冬序向淡伏惟道體對序萬安鼎周六月初遭季母喪餘外親懿之慘不止十數摧痛悲慘如何盡達自拜門下嚮德之心不敢一日少弛而今年人事實難抽隙秋後奔走掩埋寒事奄劇矣多

媿古人徒步負笈之義安敢望記念於門牆之末耶平  
日讀書只是略綽看過不解耐煩理會故於當思索處  
全沒思索合起疑處每欠起疑尤陰幾何而玩愒如昨  
時復對案開卷舊念新昧恐無以追補既往竊擬擺脫  
冗務陪侍於燕申之際質疑承誨少牖愚蒙而立志不  
固辦得未易謹錄疑問三數條討便呈納恭俟回教耳  
季胤兄近作甚工夫願承其緒論也

問目

中庸致中和章句自戒懼而約之以至於至靜之中  
無所偏倚夫戒懼不覩不聞時已是至靜則所謂至

靜之中又爲何等時分何等境界也或以爲自動而戒懼至於靜而戒懼或以爲自有戒懼至於無戒懼二說俱何如

答道也者不可須臾離一句工是兼動靜說故章句所謂君子之心常存敬畏者卽承此意而解之者也旣曰常存敬畏則自是而約之以至於至靜之中者亦本一常字而言之者也這至靜之中乃所不覩所不聞底時分境界時分境界豈外此而別有者耶今人只據戒懼字在不覩不聞上而疑自此而約之不知此約字實從常字而來故爲說多端試爲細思之如何

君子之中庸當兼戒懼謹獨說而章句但言戒懼何也既言戒懼而無時不中則謹獨工夫不言可見故云耳耶

答君子之中庸固兼戒懼謹獨然戒懼是立大本底工夫也謹獨是行達道底工夫也二者雖不容偏廢而必也立大本然後方可以行達道故苟能常戒懼以立大本則謹獨以行達道當自在於其中而有不必言者矣此所以只言戒懼而不言謹獨者歟

九思堂曰戒懼固為貫動靜而著不覩不聞則此乃靜時也大山曰但以著不覩不聞字故屬之靜云者

不怱怱則刑懼之屬於靜者以其對謹獨言而非以著不覩不聞字故耶若不著不覩不聞則何以知其屬於靜也

答戒懼二字之所以爲貫動靜者以其本常存敬畏而言然子慮於道不可須臾離可離非道下不暇他言直曰戒懼乎其所不覩不聞者是乃專指工夫而言以與下文動工夫相對而因說致中和於其下則所謂致中卽此戒懼乎不覩不聞工夫也今若以此戒懼爲兼動靜則其將曰致中亦兼動靜矣乎愚見如此未知如何

大學傳文章末結語皆就工夫上說而至於格致章

必兼功效說以爲此謂物格此謂知之至也者何也  
平天下章末不曰此謂平天下在治其國而必以國  
不以利爲利以義爲利一語申結之者又何也

答格致章之必兼功效說無他此下凡誠正修齊治平  
等無不有賴於是非若以誠意之效及於正心正心之  
效及於修身而以下齊治平亦皆然故補亡章亦但言  
物之所以格知之所以至而其外則皆不舉論者此也  
豈不以這功效無所不及而然者耶如之何其不特言  
其功效哉平天下章結語其不曰平天下在治其國者  
此一章所言雖言於治國其實平天下之道諒無過於

此者非若治國之在於齊家齊家之在於修身故只如此結之惟是不以利爲利而以義爲利者爲第一要務故特言之此外更有何別般義也耶

論語忠恕章下集註程子曰以己及物仁也推己及物恕也不言忠而必言仁者何也仁與忠有大小之別而聖人之忠則固可謂之仁耶抑以恕者求仁之方故先言仁以明仁恕之別耶

答程子之不言忠而必言仁者忠與仁字雖不同理則未始非一般蓋不待盡己而盡者聖人也是故己欲立則僂立人已欲達則僂達人這己字亦豈非盡己之己



耶但程子之解經也與朱子微有異焉今此所謂以已及物仁也者非正釋忠字義而云然者也恐須活看似宜其以恕爲違道不遠是就學者推己及物上言之然程子又以忠恕二字卻就天地聖人上并言之則這恕字亦不容一向作推己看要在人隨所語會得之如何耳

孟子夜氣之說發前聖所未發然衆人於夜未接物之時忠慮反紛擾無一分清明之氣此真西山夜氣箴所以作也孟子只言夜氣而不言養夜氣之方何也養夜氣之方亦在於操存上耶

陸子集卷二  
九  
答孟子雖不言養皮氣之方而只操則存三字便是其方來論所謂在存心養性上者誠得之矣

孔子欲以微罪行此罪字集註以爲君相之罪朱子又答門人問曰自爲也此則似以爲己之罪未知如何此間一士友言微字非少字義當作微顯闡幽之微字看集註曰不欲顯其君相之罪則不欲顯者此所以微之也此說似精到

答魯君之不用孔子自後人觀之則固是罪也其在孔子之心豈容便謂之罪耶想當以不致蹙而行也其意只欲使人皆謂自家必有微罪故君不致蹙如彼云爾

此朱子所以以自爲二字答問人者也所示或說雖若  
精到若果如此當曰欲微其罪而行豈當曰欲以微罪  
行耶愚則未見其是耳

穀餼章吾何悛於是集註中三此字一是字皆指與  
甲兵以下三者而言耶

答穀餼章集註三此字一是字皆指甲兵以下三者而  
言如何云看得未通悛

東銘前一段槩言非己心爲己當然而已或者以下  
乃言爲己戲爲己誠以證之恐非兩箇人事而心經  
刊補以爲前面人猶有可改之望或者則更無可改

之望云云此雖先輩定論而愚意則信不及伏未知如何

答心經刊補近始來此而姑在別處未能詳見見後從當爲說以報耳

形而上形而下上下字不可作先後看不可作尊卑看恐當作上面下面看否陳新安以爲上字從上聲讀若從上聲則上字爲何義平日說此每含糊不分曉伏乞勘教

答形而上形而下上下字愚亦只以上面下面看今考韻書則上聲之上註言登也進也未知陳新安何取於

此義耶愚亦未會其義待別時說未晚耶

### 與癡庵南丈

記在童子時猥被崇獎勸學談文俯教隆摯奉承嘉誨  
佩服至今祇緣地闊誠微一未得趨拜杖屨於明谷水  
石之間又未能修上一書候問起居私心悚恨無以為  
辭也伏惟燕養節宣康衛山亭靜閒講道崇潔伏不勝  
慕仰之忱鼎周近日所遭去益叵耐而季父之喪又出  
意外孤露餘生替事無地摧痛悼裂如何盡喻且材分  
鹵下氣質庸柔雖耽讀古人書而無寸竅之窺所謂功  
令亦不專意做自顧身心已極壞了只切訟恨而已每

擬一策東遊尋故都觀大海歷拜軒下而歸而窮居人  
事擺脫不易將以來春沒然捨去伏未知果諧計否也

與皓隣姜丈

拜違軒屏倏忽歲餘荒沴如兵人事變遷區區慕仰之  
私何時敢弛令胤見訪霎晤旋別阿或之來又恨未際  
伏不審至寒燕養家食體度萬重鼎周期制之外袒免  
相繼悲遑奔汨如何盡喻宗兄以餘公遺事幸荷盛念  
構眎一通感極存亾無以仰謝也先業墜落門戶衰敗  
樂善一堂歸然靈光而保守之難譬如爲山凡於闡揚  
繼述之道百無一策伏想閒居之暇或垂念及此矣梧

祖年譜錦叔所編輯而尚未淨寫寫後謹當奉質耳

與漱石亭李戚丈

湖上數晝之陪未承崇朝之誨平日景仰自謂不後於人而不得一造軒屏深扣玄中之趣公會中例值稠擾只做間界說話私心訟恨容有既乎歲序垂暮寒聲漸急伏惟江齋靜閒燕養超適觀書玩理道味日長鼎周悠泛一生漸迫殘景日用之間惟有蓬蒿之心也上無嚴師傍絕強輔自分作小人之歸重以近日疾病侵尋杜門屏縮振拔不下悼歎奈何頃時俯示佳什許以諷誄有若可與言詩者然不勝感悚電披一過無由記得



半句况入波斯之肆眩耀惶惑虛手而歸安敢望收拾  
瓦礫仰報瓊瑤耶秋間意惠稍靜隨得若干語謹此錄  
呈伏望不棄一一斥教如何合疏之議允叶衆望可見  
吾林尊衛之至意但臨事而懼好謀而成不獨行師爲  
然幸熟慮而勵行之以增吾道之光所歧而俟也宗匠  
零落法門衰敗下梢光景有不可勝憂者今日第一道  
理祇當講先生之學明先生之道使斯文一廬不墜於  
地顧此萬無知識何敢有所云云而縱言及此伏切煩  
猥鄙窩拙韻向蒙評騭殆欲下拜懶於敲椎未及攬改  
請惠一言之重以侈牆壁千萬之望



與遜窩李文

八月進候五日承誨歸後嚮慕之忱尤倍於恆也近因  
翼從便伏審燕養體度神扶愷悌新楹已落善頌斯陳  
伏慰區區鼎周祖廟祧埋之感宗舍搬移之憂這般情  
私何可盡達先師遺稿幸蒙勘校就到十分精當之地  
中心銘感將如何報也自此斷定正本以俟梓傳之日  
耳大槩傳後文字寧精毋博寧簡毋繁今以鄙見則欲  
益致其精雖只作五六頁冊子恐不妨伏未知如何

與柳寒坪燁如晦文

湖上一別歲暮音阻尋常懷仰與時俱滾潛陽初動氣

候如春伏惟侍省餘起居必重疏事節拍近得聞知矣  
世道壞敗人心危險老兄亦當自愛母至重觸弩機如  
何如何聞府伯大舉盛禮因設講會云未知所講者何  
書所說者何義皆庸陋所願聞也

與李參判來卿秦淳

南衙承拜候已三載有時懷仰徒切依黯卽接咸戚謹  
審解紱歸山間養清適允庸慰濤鼎周杜門守分無足  
仰溷者漱石亭戚丈起居何如顧此庸下者未嘗一奉  
問書爲他日請質之地不勝媿歎春間准擬歷拜仙庄  
因入清涼紓宿懷而歸未知天公能會成此事否

與柳江皋尋春

前月冠蓋儼然辱臨一席未暖五馬催發瞻望行塵徒  
切不及之歎厥後板輿載駕承養盡歡遙爲之賀祝不  
已不審政軒服中起居連重子舍僉史均迪否鼎周合  
下不秀之苗與歲俱荒近上節度函荅轉深重以村沴  
四熾挨逼簷角杜門屏息危怕度日伏悶何喻吾鄉長  
德零落法門衰敗所謂贍學之資只作時文課試之用  
而至於講義一款依閣已久學舍頽廢弦誦斷絕方今  
倡率興起之責全在於化蜀之文翁曾聞旅軒先生之  
莅茲邑也每朔望行謁聖禮雞五鳴設座校堂冠者講

四子心近童子講學禮等書此是先賢已行之故事伏望薄牒之暇擺脫冗務或校或院招集諸生以經以書隨義講討隣鄉先進如趙子希李際可僉兄敦請參席與李臺甫佐對同答問則闔縣縫掖受賜多矣臯周雖諛聞膚識寸無所得而亦豈無一分觀感之益耶但今四朔仍旱二麥不登而高仰告病秋事失望目下生靈將盡爲越人之殍未知浙東濟荒之策預有所料理否天意人事俱未可測漆室之憂不但不恤其緯而已奈何奈何

與鄭參奉明應必奎

癸秋一晤歲已四易矣中間閱盡大地劫界遠近朋儕  
大半鬼錄殘年慕徒之懷無日不翩翩於座下而雲樹  
蒼茫魚鴈莫憑此豈平日傾嚮之情耶寢郎初授固不  
足爲老兄奉賀而延陵至慟未嘗不向伯氏丈悲澹也  
此皆屬過境不必追提而謹問近上湛樂自翕觀玩日  
適世間許多撓憫不能累我靈臺否鼎周前夏邁癘再  
絕再蘓今又以疥疔諸症彌日呻苦歲月幾何而疾病  
如此安可望其收拾棄榆以補前愆耶祇自撫躬悼歎  
而已柰何老兄晚暮沉潛之工想漸到昭曠之原恨無  
由得其緒論耳道內事端令人於悒豈意吾黨有此爻

象耶長德零落宗盟無主上而貽累於先賢下而取笑於傍觀雖倒洛江之波恐不可以洗金嶺之羞老兄與之同此懷也

答季子木

蕭寺一昔之晤猶未盡積阻之抱昨入縣邸經宿而歸則惠牘畱案而來使已還矣忙手披緘感媿交并仍審中和令辰動止連重鼎周偶患毒冒叫苦數日大小句管鎮日膠擾何憫如之先先生文集日夜奉讀恍若親承音旨伏幸伏幸第時禋高祖在穆圖於鄙見不能無起疑者夫禘祭與廟制不同太祖居北向南而左昭右

穆者宗廟之制也太祖在西向東而北昭南穆祫祭之禮也故朱夫子九裕圖及退陶先生文昭殿議位次皆然而今此圖則太祖之位在北東向昭穆之列有若廟制此必有明白考據幸望指示出處以破惑惑如何賀醫閭燒煤事見理學通錄第五卷蓋賀公見主人之婦爲從者燒煤敬而避之至于再三則彼亦化而知避其謹於男女之際者如此煤灰之集屋者但未知燒之爲何事頃說及此故尾及之并望領照

答南厓權文聖躋

閔月阻音方切慕仰僂中伏承下覆書辭意鄭重勉教



謹摯感鑄之極不知所以爲喻也仍伏審旱災燕養超  
適伏賀之至鼎周老人恒少寧日焦憫何達下書益加  
誠篤無失年力之教敢不服膺而顧惟才魯志懶一向  
委靡不振尋行數墨只是掇拾點竄之計安可望其大  
家成就邪從姪兒才分旣是常調工夫又不勤著前此  
所學果無多讀得力之處此實年少者通患而亦莫非  
父兄之責也幸託門屏偏承眷誨於其歸也觀其文聽  
其言可知警策中得來者甚不些感喜曷量不習通史  
之教果中渠欠處大抵史學與經學雖有輕重先後之  
分而亦不可全不講習上蔡舉史成誦伊川有玩物喪



志之戒而晚年案上猶有唐鑑一部東萊留心編史朱  
夫子以啓後學浸淫之弊止之而答陳才卿書有午前  
服太和湯午後服清心丸等語則通史之不可廢固如  
此鑑歷代之興亾得失辨人物之賢否邪正亦學者格  
物窮理之一端也近上科藝之士與之語往往矇然不  
省恐非吾儒經史兼用之道尊教及此益仰平日用力  
之不偏矣士之爲學規模甚大一以經學爲主其他如  
史家文章家亦必隨分旁及然後體用該備本末俱舉  
庶可爲通儒而才高者反流於博洽工淺者自安於諛  
狹此豈非深可慨惜處耶

答趙子希承洙

昨春過梅谷頗有滄桑之感歸抵金川承二月十八日  
惠覆書繼而見季難及咸哀細諭節拍悲慰交并伊後  
音墨兩阻候此新正區區慕用無日不往來于中也謹  
問辰下寓中德履對序冲謐否間裏撥玩之工想不以  
喪憂或廢何等瞻濤何等欽仰鼎尚偶經疥疾形神消  
斲合下不專之程又至拋棄悼歎奈何高樓在山南上  
處接榮安之境生理謠俗何如士友間相與從遊講討  
者何人年富後生能留意此事可以倚望者亦誰某也  
吾嶺衰矣吾道絕矣同室操戈轉成仇敵近日交象去

益乖激齊楚得失姑置不言鄒魯名鄉此何運會老兄  
心上之枰一以閉戶緘默爲第一道理如鼎周無似不  
自外於躋享之論訪毀四至只當任之而已禮攷業  
已斷手而漏字尚多至月中往溪社與學仲一番對勘  
恨老兄不在座上也

與黃上舍叔璜

愚山數宵款晤略紓蘊結之思歸後懷仰倍之平昔秋  
氣漸清伏惟慎節次第藉醒觀玩益到昭曠何等欽仰  
吾儕年齡俱晚暮矣每念老兄出而得依歸之地入而  
有征邁之樂志業之成就非流輩可及鼎周之白首無

聞者立著不得惟有親勝已資切德之願而頃者邂逅亦未得從容談討自訟不敏無以廁數於賢朋友之間耳鼎周宿暑連苦乘涼幸安而心身無靜閒時節故紙披閱只作霎時遮眼之資舊念新昧虛度光陰每誦朱先生工夫易間斷義理難推尋歲月如流甚可憂懼之語未嘗不三復慨吁也

與鶴坡趙奎應

鼎周少小獲承尊門諸老先生之風而以未得灑埽門下爲恨旣又諭執事紹述家學爲山南士友所推重而以未得一接英眇爲恨前年秋自外還知御者歷訪鄙

庄畱詩而歸而重以未得對討平生宿蘊爲恨蓋生并  
一世抱此三恨已至四十餘年之久自歎庸陋無以交  
遊於當時賢豪間擎復瓊章感媿交并未嘗不一日往  
來于心也卽拜戚從兄謹審德履冲謚按蹟日富尤不  
勝慕用之私鼎周才魯志卑奔汨俗白無分寸之窺而  
奄遭樑摧之痛跼伏窮巷摧頽日甚有何知見可以仰  
塵崇聽耶吾道陽九宗盟無主一線將絕之緒分裂極  
矣近日爰象去益乖張憂歎之至卻無下語處柰何老  
兄以淵源之正資學之懿浚造默識固有超然獨得之  
妙幸不以不面疎外之時惠良規以資警益則鼎周雖

百不及人敢不聽於下風庶補栞榆之萬一哉何當奉  
際以紓夙昔之思惟此咫尺之書或可爲異日承教之  
漸耳盛韻感念深切寄意鄭重謹此續貂汗呈俯賜斤  
教如何

與鄭姨兄有囑

三百里路若秦越十六年音阻參商至情情理雖欲不  
息得乎顧吾內外從昆季惟兩人在而書面莫憑便作  
行塗我固無狀兄亦不可謂之不較也前冬往坪城省  
外王考妣墓松棘滿堦奠掃無人涕流沾衿而歸因拜  
岳丈於仲和家略聞軒下安報稍慰恟恍之思耳歲改

春半不審靜候際茲康謚胤姪次第安進而著和者幾  
人能助含飴之樂否何等嚮慕何等悽黯鼎周衰朽甚  
窮約甚無一可慰伯兒得一男年纔四歲仲子始冠而  
吉在今旬二其季及亾弟之子俱未成立世間許多事  
莫非皺眉惱心憐歎曷喻暮境懷緒與少壯時自別伏  
想兄主以六十翁須眉已皓白矣筋力已摧頽矣一者  
進候之計何歲無之而家乏贖僕舍徒實難居感過了  
日月秋間料畫又何可必也完姪存而不存吾外家將  
終於無後耶此皆吾輩之責而亦奈何不下言念及此  
潛然而已吾南園空之鬪已無餘地而貴鄉之通又是



一番撓端未知道中士論之如何狀鄙意則復田之不  
付本孫大失事體而龍山奠墓之詞又不可不念年譜  
之隨處文周雖涉駭率而桐溪本集之疏又不可不致  
此於盛意不以爲不可否

答崔上舍景至

杜門塊坐春序已謝同人一念如水滔滔歷數山南諸  
賢契舉未免參商之歎而區區懷仰每先及於蓮社九  
曲之下但夢中不識路無以慰相思耳卽此復裏承拜  
惠覆書如獲百朋之錫感荷無以謝也仍審服中節宣  
行和伏想孔懷至痛添了霜愼爲之驚慮不啻千萬鼎



周衰狀漸成無足奉聞志學未遂之恨在吾兄豈如是而顧此三十無聞者自分作朽木之質讀何書做何業之問不覺媿汗沾背更有何辭以仰復耶老錐難脫果如來喻世不處之囊中雖有寸鐵將安試哉前夏得見兄與柳君彝好書瑰奇恍惚若入波斯之肆三復玩讀益歎其用力之勤而託意之深也然文者貫道一句恐老兄誤了看破夫文章自道中出則道是包得文豈有文貫得道耶此李南紀所以贊韓公者已是錯底朱夫子說大煞明白老兄必欲以此拈出話頭向年少縱橫說去未知道與文果爲一邪二邪古之論文者如退之

進學解一段老泉上歐陽公書中語不無可取而晦翁  
讀唐志一篇已勘斷無餘皇明宋學士文訓之作大家  
鋪叙反而約之於明理之域則今當改之曰文者所以  
載道可也至於元美于鱗之專尚奇詭著口不下者老  
兄真以爲載道之器乎如拙者之汨沒科臼半生悠泛  
何足與論於此等說話而藥爐文煎中或爲一爨疏滯  
之助來書所謂四君子湯不必在握手叙鬱之時也漫  
筆及此幸賜原諒如何

與金上舍幼澂清進

禪房一旬之會蓮堂三昔之期俱極稠擾未承款晤解

攜後懷仰漸覺雲山之遙阻也麥雨新晴春序奄過不  
審歸旆已向東寮而無撼頓之勞否刊功想垂畢而勘  
校亦到精覈矣大凡此事儘看儘難文字之未解者猶  
不可輕易塗改而況於義理之微奧乎至於陶陰亥豕  
之訛又當隨卽釐正也正路一書實初學之所合常目  
而常行者今此登繡豈非斯文之大幸耶自顧末識未  
遂執經之願而平日慕仰之誠不後於人人矣烏得無  
一分感發之心哉鼎周腰酸背牽呻臥累日末由再動  
花樓曉鍾無以復發深省何慨恨如之西北路右秦際  
未易惟書札可以替面抒情勿以譏陋外之時希德音

附錄卷二  
俯惠良規所拱而竢也雙林新滄一句不能攷其出處  
博問提示如何

與金上舍明五弼教

中秋別後冬序已深卻恨數宵叙話便作千里遙阻卽  
接權兄諦審棣履連相何等仰慰鼎周不病而常病每  
爲傍人所笑衰暮者例證良可憐也吾輩不幸生於煙  
沈響寂之後志氣憤年齡晚旣無自勉之工又絕強輔  
之助索居窮廬安得不懷仰高風耶頃者老兄以梅牕  
集中盡刪頤齋詩江右士友歸咎於宣城云故歸攷印  
本與傳說大異二先生唱酬諸篇并爲錄呈此說說及

于曹門至望

與李上舍伯心觀祥

赤羅旅店一別居然三載前事每憑南雲紙切懷仰夏  
序已仲伏惟棗牀湛樂起居晏重鼎周喪耦哭子少無  
一分世念憐歎奈何近息錄雖蒙盛諾敢望委惠而前  
聞汝命言則兄有代送他本之教主人翁不肖相易云  
此亦不是異事幸不忌一言之重卽爲印及如何如鼎  
周茂鹵者何足與議於此等書而五十無聞晚悔靡及  
倘承嘉惠俾得看誦則故人之賜不亦多乎何當奉際  
臨紙增悵

與李承旨而執鼎秉

自令公被 恩譴竊欲一書以唁而汨於憂病迄未能  
也宦海風濤之險太行行路之難姑倚閣勿說丹山  
水爲湖嶺之最想乘暇優遊於龜島潭舍人巖之間此  
莫非 聖恩所賜不審謫居勝槩能忘卻長沙而平昔  
髭髮帶得涪州氣力否嶺外非危地幸素患安履似劉  
德脩在廣陵時千萬之望鼎周偶發背腫跨了半載頓  
無好意思憫憐奈何秋間擬與一二士友御款段踰竹  
嶺訪慰遷客遊覽絕境而一疾作崇有志莫遂空言亦  
何益哉天日昭臨 賜環當在早晚惟是之祝

與俛齋李際可

南齋三五日會晤實銜界不易事歸后餘悵迨耿耿不能忘也伏惟至寒侍學連重仰慰區區鼎周依舊拙狀何足道者敬齋箴集說前有印送之約故紙二束覓呈幸寄惠一本則謹當朝夕莊誦而志懦宥縛安知不爲徒言之歸也良媿良媿

答權雙湖程成微

憲姪還東致惠覆書感慰巨量矧審猶寒服履連重者乎鼎周近以冠醮少撓日事汨汨雖是眼前滋味都不如安靜時笑歎奈何晚洲公襄事有期卽當赴相斥苦



之役少伸平日慕仰之懷而兒子納吉在旬二末由趨  
進辜負厚眷何以自文耶伏聞新舊喪合塋而虞祭儀  
節最是難處蓋葬雖先輕祭當先重則新喪之虞當行  
於家後喪之虞當行於墓所沙溪以爲父虞反哭後行  
之母虞翼日行之猶爲可据然若翼日更爲上墓行虞  
則靈座之旣撤而復設亦似未穩此在東巖集第四卷  
三十四板答浮浦李文書可攷鄙意則葬地在十里之  
近未時平壙後卽行題主奠反哭行新虞於家喪人又  
往墓所行舊虞而歸雖日暮恐無妨未知如何顧此枯  
淺何敢議到於此而略陳所聞幸詢于大坪依禮行之



至望

與柳玄瑞龜休

續承安報恒庸慰仰雨餘炎熇起居連重鼎周病狀漸  
苦憫憐何喻伏聞尊門兩世四集梓繡已畢事關斯文  
賀幸無已而未得一番躬進於屬役之日全欠道理何  
敢自安耶第有所仰浼者鼎周材質庸凡志尚卑下讀  
書有不精之患看文無玩索之工未嘗就正於先生長  
者之門而早爲功令家所引顛倒墮植居然作無聞人  
畢竟自家屋裏事敗壞無收殺而六年之內奄阻七喪  
二日之證殆過五稔聰明不及於壯時學業漸退於前

日每對黃卷自不覺媿汗竟趾伏惟老兄孺染於家庭  
之訓從遊講習於賢朋友之間真知實踐必有單傳密  
付幸望勿以卑陋無取見棄時惠德音指示周行則其  
感可勝道哉奉叙未易尤切冲悵

答龔窩金仲振

積潦跨朔前川若海屋無雨傘廚無寸桂村裏無與晤  
語時讀陶詩數篇以叙壹鬱此際同人之患尤當如何  
夜沛驅暑晴氣亦佳未審僉履起居均重鼎坐談笑有  
欣然可聞者否鼎周一疾支離旋止旋發蚤夜爬搔老  
膚生皴其視清風北牕下自謂羲皇上人不翅黃鵠之

與壤蟲憐歎柰何三齋事慨痛不可言先父老書  
旋之地忽作渾淆爭鬪之場責有所歸尚何說哉聞四  
十左右年儕之人羣居終日無一善譚只以嘲詈譏辱  
相加云稱爲士子坐在公堂雖不能講義理論文字而  
豈意駭悖之習至於此極耶其墜亂鄉風侮慢明輩漸  
成一番道理年少後生見之以爲當然末流之弊有不  
可勝言者顧此無似不足取信於士友而老兄亦當教  
戒於家警規於鄉俾得猛省而痛絕之如何

別紙

殷周改正不改月一段前此有所往復猶未釋疑近村

秀讀詩七月篇觀第五章傳註東萊曰三正之通於民俗尚矣周特舉而迭用之劉安成曰歲之一字有以天時一周而言者有以正朔所紀而言者天時必始於孟春而終於季冬首章所謂二之日何以卒歲是也正朔則子丑寅之迭建與此十月而曰爲改歲是也此說或可爲詩書孟子不同之證耶竊意孟子繼春秋而作故亦用周正耳蔡氏書傳成於朱子易書之十年則不改月之說此實從晚年定論恐不必以答林擇之書爲正未知如何

答白室金時有經進

不香花裏自是詞家光景獨釣江上此豈拙士興趣大  
地銀海斗室冰凝當是時也瓊律在案詩思乍動強起  
十日之臥偶寄三疊之和巴人下里不足擬陽春白雪  
之調也歲暮窮廬愁緒無聊忽承惠書帶詩而至披緘  
疾讀感佩烏可量耶臘盡杓轉伏惟靜候冲謚觀玩益  
懋鼎周合下鹵莽恁地疎麤文義則鶻侖吞棗著作則  
買櫝還珠至於韻語尤非素習有時被人拈出曾不著  
意做去祇自作自笑而已安敢曰言志云爾顧念一世  
儒韻沈友道絕雲處逢場不過間漫醅酢如老兄居并  
鄉縣年共遲暮而未得一番傾倒虛往實歸此心慨恨

庸有既乎重以村墟寥落錦亭寒阻而半夜孤燈無伴  
與晤兒曹將魯論逐日成課而疑晦山積無地可質今  
見來諭何書誰也等語爲之興懷不已也尾示斤正實  
欲下拜蓋春陽二字本於老杜冬至陽生春又來一句  
恐不必爲病而塵壘果是文墨故已改以夙字若庭字  
則初以門與牕敲柱矣旋以唐人詩有寒澗庭外雪云  
故謂之新奇可用來教如此代以牕字亦無妨耳

與金箕叙禱成

潭塾聯討之樂依依若夢中事適到雲庵僧舍因白足  
聞近以修繕之役方住岳色水聲中忽起昔年乘風泛

月之興恨肘下無兩翼未得奮迅翱翔於其間耳謹問  
日來啓居夏何如鼎周去夏遭季母喪摧痛如新重以  
齒益添而氣益衰計日拙而志日惰自分作陳腐一物  
安可望廁數於賢士友之末耶參判丈席愆候漸向平  
復宅華魯仲僉候均安否安谷柳戚兄弟同時慘逝  
德蘊又奄作泉下人遠近年儕凋落殆盡有時興忽忽  
忽無棕况想同此懷也子木老兄作何節拍慎可已作  
青雲客雖欲見而不可得此皆塾中舊遊故不能忘耳  
吾輩俱在晚暮簪盍若是不易未知古人千里命駕果  
作何般心力也花事正爛玉擬一者勇進夏尋芳踐而



早晏未可預卜書以先之幸領此意如何

與南鳴應鳳陽

南省敗憤千里不釋坐席未暖歸棹遽拂私竊以爲大丈夫行意不必如是悻悻卽聞一宿鳴湖再宿山雲從頌而歸始覺白屋冷榻敗人意息而吾兄亦未免世間涼炎尤不勝悵恨底懷也未審歸侍平安棣履均迪否鼎周居然之頃奄經季父祥事摧痛如新重以薪憂連苦合下不專之工全然廢閣有何節拍可以奉聞耶東遊之興近復不淺而牽縛冗故擺出不得春間欲圖之耳



與章臬金士陽良燧

別後倍切懷仰。靜履近益。晏重否鼎。周一味。頽闕無足  
奉聞。人心先於道心一段。雲峯說以爲氣以成形是之  
謂人非人。無以載此道。故言道心必先言人心。心經講  
錄以爲人日用之間。易發者莫如人心。故言人心先於  
道心。蓋人心惟危。道心惟微。二句槩言心體而已。未及  
下工夫說。故先儒之訓如此。向者所論。遏欲存理。閑邪  
存誠等語。未知深入一節耶。然亦可備一說耳。耐祭祠  
堂出主時。無告辭。故寒岡答朴孝叔書。以家禮爲正。父  
在母喪。二十七月後。卽吉。沙溪說。斷以爲然。頓於尊門。

祥事時不能無疑故攷禮書奉告採納如何

與宗人南郭爾周冕朝市南成之冕周

頃晤雲爾今思悵然畏日連酷伏惟清涼新閏曆襟濯  
風顧此隨陰獨坐者烏得無聽蟬之懷也柳兄祥日改  
卜事河上議論皆言不可行之於閏月云初聞之茫然  
不知爲對也歸稟于錦淵則以爲閏月不可行之論恐  
未然此與大小祥之不計閏者不同且禋祭亦行之於  
閏月則退行之祥豈不可行之於閏月乎云云故茲以  
委告率望爾問于河上從禮定行如何

與雲谷李又文義發

湖庄別後雲山夏阻臨  
惟旅遊啓起清勝慰溯  
七遭錦淵上舍從兄  
奈何奈何東賢事實採  
士孰不感頌鄙家亦修  
望與嶺中諸學士極加  
之意耶事文一帙自本  
鄉責如何冀因風便官

與所庵李慎可

一自賦歸積違承晤窈

湖庄別後雲山夏阻  
惟旅遊啓起清勝  
七遭錦淵上舍從兄  
奈何奈何東賢事實  
士孰不感頌鄙家亦  
望與嶺中諸學士極  
之意耶事文一帙自  
鄉責如何冀因風便

與所庵李慎可

一自賦歸積違承晤

鴈門之踦而猶幸尋遂初之志也卽聞仲氏兄脚疾彌  
劇侍下分痛之憂實所叵堪未審日間能收一鍼之功  
否驚慮區區鼎周跼伏雖廬離索日甚有何善狀可以  
奉聞江院事端又生一層風浪吾林但當齟舌斂手以  
俟百世定論而已退節之刊有難容議而續集之修在  
所當急部意或賜俯諒耶大學講錄前已承許今復覓  
付如何地非宿眷路阻冰坻何當奉際叙此多少

與農山李季淵

桃院別路鶴巖夾左感先闕之已遠慨後會之不易瞻  
望行塵徒增惘悵卽欲修一書以叙解攜之情而聞御

者入花峽畱待未果忽於虛便寄來惠詩二篇滿牋清  
韻悅得臘梅消息感佩何可量耶仍審窮汙歸旆平穩  
起居有相尤庸慰瀉之至鼎周塊坐冷簟百念俱灰惟  
看歲暮懷人之思而已竊念吾儕交自童州轉眄之頃  
白髮已種種矣老兄同堂知己朝夕團圓講古論今其  
樂無窮而如鼎周庸懶孤立無隣耳邊絕不聞規警之  
語終日與新學兒數輩勞神費舌時將朱子書讀過一  
二篇或不無欣然意會處而世間愁惱事又從以搖敲  
之五十年間做得甚事思之及此雖歎無及恨不與老  
兄更吐此懷也來詩寄意勤厚句格醞藉可見近日用

工之深忙未步謝姑置逋債元朝赦令前或可續貂以  
報耶

答所庵李季哲廷佑

客秋一別山月四朏聞御者遠遊娥林想龍山枕流之  
勝收在阿睹中無由叩其清趣恒用豔慕而已料外惠  
書帶詩而至披緘琅讀情思滿素益覺故人不返之義  
感豁烏可勝說耶仍審間中啓處少失安適坐霧對瓠  
便作衰暮光景此是吾輩常例何足恠哉大地積醴栗  
威漸饗近上節宣夏何如鼎周無病時亦無不病時孤  
處冷簟萬念俱灰故紙繙閱每多疑晦處恨不與同人

對討來書云云正先獲我心也至夜一夢何其神交如此未知兄爲我耶我爲兄耶玄酒之飲宜在味方淡之時而退書之問不記疑共質之語則虛境雖非真境亦可見精誠發於宵寐矣乃上一冊之有力於吾輩莫如朱子書我之所指言者兄豈不心會哉此皆未夢於我而兄乃夢之當各自征邁用力於協夢之地何可諉之以一場幻遇而只作悵然太息而已耶西程之停斲無獵途暮歸之息而春園之近猶有老將上馬之志所謂馮婦之習不免爲士之笑然於愈不中愈讀處全不下功名其或如我何好呵好呵



與鄭上舍東翰

積違清範不知幾歲月餘矣每想玉井一蓮已開花十  
丈雖欲拚得藕船其如宛在中坻何夏仲接江翁於桃  
津旣審靜候必重慰豁實多未諦庚炎節宣夏何似鼎  
周衰病日劇故人漸疎杜門窮巷無事做著祇自憐歎  
而已石門先生遺集間老兄大家下手方謀鈔繡幸幸  
甚甚其碣銘則金海南公所撰果爲膽附否金公文稿  
時在鄙所而碣文中妣安東權氏參奉下不書名諱只  
曰某之女無以攷其世譜幸因優錄示如何本集凡幾  
卷雲棲漫錄先輩多傳誦而後生末學未獲奉玩刊出



後一帙俯惠至望

三十一

陶高先生文集卷之二

陶高先生文集卷之二